

四庫全書

集部

欽定四庫全書

御製文集部
三集卷

十四至
十六

欽定四庫全書

御製文三集卷十四

雜著

讀史

陸賈對高祖語今古以為竒談而予以為實有所未臻也夫高祖之言在重武輕文而陸賈之言在重文輕武乃兩失之豈可獨以彼為躱乎蓋創業之君無不以馬上得之而敗業之君無不以忘其祖之馬上得之以致

覆宗絕祀豈不大可畏乎周公之訓成王曰其克詰爾
戎兵此即馬上治之之義周公之智顧不如陸賈橫議
之士哉後世侈言太平文恬武嬉以致有創業馬上者
乘其釁而得之是非陸賈之言為之作俑乎予之是論
作於木蘭行營即向年平伊犁定回部勦金川軍書馳
至亦未嘗不以馬上治之何曾礙於理政哉且人之身
舍勞就逸易去逸服勞難重文輕武是就逸重武輕文
是服勞也設耽逸而厭勞寬衣博帶論安言吉動引聖

人幾不失其所據而為武侯所譏耶茲故以身之所歷
叮嚀示戒後之人其尚思開創守成興替之機以毋忘
周公訓成王之語或庶幾乎

讀洪範

洪範一書為箕子衍神禹之言以誥武王者不惟姬周
一代制治之源即萬世帝王制治之源也九疇之敘在
君則係於極之建不建在民人則由於訓之行不行蔡
沈之言盡之矣而予獨以為萬世帝王制治之源者何

蓋君者民之本也。譬之木乎？本正而枝自隨，故疇雖有九無一，不關於為君者之一身一心，可不慎乎？然予之所以有會心者，固在皇極之建九疇之省，而原始要終則在乎第九之嚮用威用矣。予蒙

天篤祐，得建五福五代之堂，其說已見前記。茲以六極自省，幸而無其五而不能去其一，所謂憂也。春憂雨之不足，夏憂雨之或過，秋憂歲之不登，冬憂雪之未降，無不先時忖度，切切於懷。至於古稀說之八弊，

庚子年作古稀說數

說前代之弊政有八曰強藩曰外患曰權臣曰外戚曰
女謁曰宦寺曰奸臣曰佞倖幸皆無一彷彿者今又閱
八年隨時省察不敢自恃其無惟時憂其或萌合衆中
慮或萌其漸未嘗不日惕於懷云

之萬民時憂其失所謂先天下之憂而憂者不可究
極而後天下之樂而樂者曾無幾希是則此憂不能去
而亦不忍去且更不敢去也夫李世之君但知其樂而
不知憂以致受大憂而不可救藥者多矣余幸於六極
中免其五而得其一則此憂也將拳拳守之而惟恐其
失之或者邀

吳既符宿願得歸政之後庶可免此憂乎然更當教子孫體余之憂為憂方將萬世守之庶幾永承

天眷是則臣民或可去其憂而為君者終無去憂之道萬世為君者其尚勉守此憂庶幾不致大憂而保後樂尚敬之哉

涇清渭濁紀實

陶淵明讀書不求甚解嘗不韙其言蓋彼以隱居放言之人則可稽古考經之人已不可而況作君師司政治

者乎故於勅幾熙績必不肯置疑似兩可其間而於考
經稽古益必求其至當近賦心鏡詩因用邶風涇清渭
濁事以詩義觀之則涇清渭濁也而朱註則以為渭清
涇濁大失經義夫以者何因也涇以渭濁可知涇本清
而因渭濁如左以右累是左者因右而受累賢以邪累
是賢者因邪而受累也伊洛以河渾是伊洛本澄入黃
河而為渾流也如是者原不可僂指數而朱子則讀書
明理何乃顛倒涇渭之清濁一至此乎然此非獨朱子

誤也蓋鄭康成箋本謂涇清渭濁

鄭箋云涇水以有渭故見渭濁是康成明

言渭濁不言涇濁其以為涇清可知自唐陸德明孔穎達諸人因之沿訛而經意遂失

自唐時始

因誤解鄭箋而顛倒其說其後入主出奴紛如聚訟益不可考朱子因訛傳訛後人更不敢議其非余細繹以字之義定當為涇之清因渭而濁為是然余亦不肯遂以為是爰命陝西巡撫秦承恩身至二河自甘省入陝省之源辨其清濁今據具摺貼說呈覽實涇清渭濁於是余之疑始解而心始安因命附錄承恩之摺於後以

誌其詳設有人議承恩遵旨為遷就曲說者可親至承恩所至二河自甘省入陝省之源視之則是非顛倒立辨朕當治承恩之罪不怙過也

臣秦承恩上言謹查涇水發源甘肅平涼縣筭頭

山東流至長武縣入陝西境又東至高陵縣入於

渭渭水發源甘肅涇源縣烏鼠山東流至隴州入

陝西境又東至高陵縣與涇會其地即禹貢之渭

汭今名上馬渡臣遵奉

諭旨即馳赴該處并泝流至長武隴州等處確加察視
查得涇水一道約寬一二十丈不等入陝後并支
流一十有四現在桃汛初過水勢漸澄其流與江
漢諸川相似渭水一道約寬七八十丈不等入陝
後并支流三十有三現在桃汛雖過水勢仍渾其
色與黃河不甚相遠至合流處則涇水在北渭水
在南涇清渭濁一望可辨合流以後全河雖俱渾
濁然近北岸數丈許尚見清泚過此七八里外清

濁始混而為一隨傳兩河船戶及傍岸居民詳細
詢問僉稱涇水係石子底四時常清惟春日雪消
冰泮及夏雨暴漲時各處溪流匯集衝激奔騰以
致河身渾濁遂與渭水無別十數日水退泥澄仍
復清駛如故至秋冬間更為澄澈水底石子一一
可數又間遇渭水盛漲倒灌入涇涇口內六七里
亦皆渾濁然傍岸處仍係清流渭水係沙底水挾
沙行四時常濁從未見有清澈之日並據稱涇河

當水靜時可以隨汲隨飲渭河則無論四時必須
澄淨然後可飲等語臣隨遣人探試涇水實係石
子底渭水實係沙底並於二水急流處各取水澄
之涇水一石澄滓三升許渭水一石澄滓斗許臣
查勘既確復又恭讀

聖諭並取詩意繹之在作者明以潔清自喻言涇水本
清自入渭以後不得不合而為濁然其清處自在
故下句接云湜湜其止許慎說文湜湜水清底見

若本體既濁安所得湜湜者耶謹按毛亨傳云涇
渭相入而清濁異語意渾融初未言二水孰清孰
濁也鄭康成箋涇水以有渭故見渭濁雖語意不
免與曲然明言渭濁不言涇濁也是漢以前本無
涇濁渭清之說唐初傳本乃以鄭箋內故見渭濁
為故見涇濁始欲以濁屬涇陸德明釋文定為後
人所改而又云涇濁水渭清水殊與箋意未合孔
穎達因之直解為故見其濁而經義愈昧矣然竊

揆其致誤之由蓋亦有故漢書溝洫志涇水一石其泥數斗夫一石之水至有數斗之泥誠不得不謂之濁既以濁歸涇自不得不以清屬渭是以潘岳西征賦即有清渭濁涇之句而唐人解經亦多因此而誤不知漢書謂其泥數斗者特舉當時所利而言言其沖激之一時也谷風謂湜湜其沚者專取潔清自喻言其澄澈之本然也凡水皆暴漲時無不立見渾濁江漢且然何獨於涇而加以濁

名乎查陝西通志載明季修廣惠渠議引古碑云
四月閉涇口防濁水淤渠七月啓涇口引清水灌
地等語可見涇水當四月後七月前始間有濁時
餘則恒清秦漢時河高渠下引水甚易故利其濁
不取其清唐宋後河下渠高防有淤墊則又引其
清而拒其濁渠水為民間衣食之源以時啓閉垂
諸貞石千萬人所共遵守以視經生之曲說雷同
文士之陳言勸懲者洵為確然可據至渭水之濁

前人固罕言之然蘇轍詩如袞袞河渭濁外尚有
渭水帶沙渾之句轍少遊秦中其明言渭濁見於
吟詠者不一斷非率爾操觚又寶雞縣志有云邑
南諸川半發源於秦嶺其注漢者清則同清注渭
者濁則同濁又渭自隴州石門來逕縣南入岐山
境尋其原委無所謂湜湜其沚者而詩顧云涇以
渭濁何也等語雖一邑專志未能於涇渭清濁之
間詳加考正然以守土者紀其本邑山川亦明指

渭水為濁則其言益足徵矣伏思唐人說經類多
拘泥總因墨守舊聞遂致有乖經義今就臣所目
驗參考碑乘博詢土著居民涇水實清渭水實濁
豪無疑義但谷風一詩佔畢者童而習之率皆因
仍舊解莫有知其非者我

皇上萬幾餘暇偶一

指示遂正千古相傳之誤臣學殖淺陋無能仰贊

高深紬繹再三不勝欽服所有臣查看過涇渭二水合

流處所實在涇清渭濁情形謹繪圖貼說恭呈

御覽謹奏

御書紀實卷附錄

讀書明理豈易言哉遠書此卷至鄭箋云涇水以有
渭故見渭濁句恍然有悟設如於渭字下增一而字
或以有字易為入字明曰涇水以入渭故見渭而濁
何等直截則其本意易明亦無唐宋以來之紛如聚
訟矣千載注疏家似此者亦多矣豈能一一正之擲

筆輒然附錄於此

御製西安巡撫秦承恩覆奏涇清渭濁實據詩以誌事

一韻二首附錄

近因詩中用邛風涇以渭濁事玩以字義自當作涇
水為渭水所濁解乃朱注則以為渭清涇濁心疑其
誤而泥其說者不免耳食因命秦承恩親履二水由
甘入陝之源究其實在情形茲據覆奏辨析甚明果
為涇清渭濁既詳著紀實文并附錄承恩原摺因再

成是什以誌考古訂謫之意

撫臣親履勘二水別分明

秦承恩奏稱涇水發源甘肅平涼縣筭頭山東流至

長武入陝西境又東至高陵入於渭渭水發源甘肅渭源縣鳥鼠山東流至隴州入陝西境又東至高陵與涇會其地即禹貢之渭汭也遵古馳赴該地并泝流至長武隴州自甘入陝之源確加察視二水入境及合流處所實在涇清渭濁繪圖具說覆奏

涇暫有時濁

又稱涇水係石子底四時常清

惟春雪初消夏雨暴漲之時各溪匯集衝激奔騰河流暫致渾濁十數日後水退泥澄清駛如故至秋冬更為澄澈渭水則係沙底水挾沙行四時常濁從未見有清澈之日等語

渭恒無日清暫

賓自非實

涇清也

恒主合當名

渭濁也

格物致知要問朱

可力行

絜矩於為政益當衡鑑明偽清乃誠濁祛濁始真清
兩可寧為實一成要正名那能不求解惟是勉躬行
筆誤識過

昨朝考之題於三月即擬定親書封識清晨連封發交
監視王大臣以試諸士可謂謹密之極矣乃今日閱卷
諸臣定等呈覽視之其疏題則積古也積古不見於經
文乃憬然而悟曰本擬稽古而予筆誤稽為積監試諸

臣見不及此而未請旨是諸士子之誤皆予一人之誤也夫試題一字之誤亦何關要然使政之是非人之生死亦如此誤書可乎且予誤而無人敢言則諸事叢脞其弊將不可勝言矣書以自責用戒後此硃筆之慎也予更思之稽古固出於典謨但稽者考也稽在人而古在古猶有彼此之分焉至積則聚也稽而聚古於心施於言行播為政治而非徒資博雅之為不亦宜乎諸士子並未言及此是以申而論之然總類飾非文過之辭

益重吾過而已耳



御製文三集卷十四

欽定四庫全書

御製文三集卷十五

硯銘

宋端石三祝硯銘

端溪老石宋坑果側理為之平不頗渾含墨鏤池深妥
有龍之而勢掀簸活眼惟三柱承朶刻作竹形枝葉娑
名曰三祝喻則巨堯猶辭之何況我

舊澄泥夔文壺硯銘

唐乎宋乎難辨近久剝蝕弗全數百年有與墨為受與
筆為授叶形肖壺餅夔守其口彷彿勒銘其人曰富叶
硯雖無言兮摛文則傳兮

宋端石壁水硯銘

黜壁一握中規圓也如月滿輪望逾弦也週以碧水印
百川也受墨處凹而未穿也是誰汲古耕斯田也而我
何為置締几間也憶東坡言不覺蹶然也

宋澄泥倣唐石渠硯銘

漢之名唐之式宋之倣三而一潤出堅文入質物聚好
來不翼居其北增惕息

倣唐澄泥螭虎石渠硯銘

螭為子虎其變象大人合成硯綈几絲綸出朶殿勅幾
省成慎宵旰古訓是式遑耽玩

錢惟善玉堂硯銘

池若眉受不欲多也受而畜百祿是荷也
此語槩括惟善硯銘意

畜斯田其耕必獲也獲而食弗藉其他也

宋硯銘六首

規矩方圓之至乾坤易簡以宣萬物弗出乎此四時不
息而遷聊示象耳實一理焉用注周易可默會兮韋編

右宋端石方圓規矩硯銘

泥久成石亦其理也剖而為函誰所始也窪中者蓋硯
在底也閱世無分是可喜也覆手井田復古旨也行之
實難愧在此也

右宋澄泥石函井田硯銘

宋端石今弗鮮矣雲根紫玉識其善矣吉璉所用彝尊
烟覃矣詞見曝書附青雲展矣物聚所好西清蓄將滿
矣泚筆著銘欣以為報矣

右宋端石雲根紫玉硯銘

青綠如銅脆而堅矣陶乎琢乎泥而石已虎伏伏虎文
經武緯叶池作太極渾然易理擬虎變之大人用豹變
之君子

右宋澄泥伏虎硯銘

奪朱非紫勝藍殊青斐然綠色端溪石生製出宋代而無製者之名神龍變化圍以滄溟水物鱗族出沒瀟灑各得其所寧吾於是知愛其類而繁滋其屬者乃龍之所以為靈

右宋綠端石龍池硯銘

硯田之語聞之熟矣菑畚經訓心沃身淑矣茲肖井形有志古復矣古其易復哉矐乎蒿目矣

右宋王應鳳紫端石井田硯銘

舊青綠澄泥石渠硯銘

銅與泥本非族也合而為一是誰所倣也泥已如石銅
乃蔚青綠也想入佳城伴其用者孰也製肖石渠或子
政青藜之燭也硯譜已成斯則後薪之續也其好去聲可
弗慎哉不以為慙而以為惡也

硯銘三首

舊澄泥天祿石渠硯銘

天祿石渠炎劉之名李唐趙宋製為硯形或石或泥色

卷十五
紫聲清澄泥歲久堅如石誠或校書乎或製誥乎供儒
林之美稱茲為締几之用吾惟慎乎綸綍之情

宋端石長宜子孫鑑硯銘

銘之鑑宜子孫也刻之硯仍其言也思彼意欲永存也
歷幾人筆墨間也斐君子不可謾也

元迺賢五老蜚星硯銘

聚奎之後化為五柱萃此墨池目光如炬咨爾拈毫不
可輕舉津逮六經道耀千古

宋甃硯銘

甃之治本澄泥也漢之瓦

世傳銅雀臺未央宮瓦琢為硯最佳以其瓦俾陶人澄泥

以絺絡濾過而後埏
埴之故與他瓦異

或庶幾也不見修內宣和何闕斯

也歲久如玉視玉堂澄泥猶或遜茲也物聚所好不能
不於此而恧思也

舊澄泥石渠硯銘

泥為石石如銅三一合一三通是義奧理堪窮天地人
寓其中用斯者慎勅躬

米芾玉堂硯銘

紫端舊石為質本良米

芾錢

良

右陸

輔

項

元

經

四

家

藏

其

真璧乎其儻鼎乎奚必刻求其詳獨是顛翁不衫不履
人也何歆羨乎玉堂

趙宦光倣宋澄泥石函硯銘

澄泥石函數

上聲

不屈指斯實倣為亦剝蝕矣銘十六字

署宦光子別其寒山伴我渠几坐北槁詞鎔經鑄史

贊

莊豫德摹貫休補盧楞伽十八應真贊

第一阿機達尊者

十八應真楞伽所寫今祇存六佚其餘者

盧楞伽畫十八應真僅存

其六因命莊豫德摹寫其餘十二幀並命摹石渠所藏貫休畫本補成之貫休全本傳神如活摹以補之首阿迎機達

第二阿資答尊者

往阿斯仙

見梵典

是用渡海鬼負枯槎如張騫在昂首注

睛似有所望童子酣睡却忘諸相

第三拔納拔西尊者

募盧楞伽原
本第二頁

拔納拔西盧圖所有趺坐匡床合掌雙手學人膜拜若有所咨三藏浩如以何示之

第四嘎禮嘎尊者

是比丘者是居士乎聞世尊法如飲醍醐住僧伽洲而無所住情與無情磬聲普度

第五拔雜哩逋答答刺尊者

學佛出家帝子瞿沙扶筇獨坐默演法華現壽者相無

相可尋眉長拖地度世婆心

第六拔哈達喇尊者

諮第一義伸指示之會則不無問會者誰會若為能指則為所是野狐鳴非獅吼語

第七嘎納嘎巴薩尊者

上人本住曰摩伽陀棄而弗居學佛禪那棄者何捨學者何求擊鉢進步如是優遊

第八嘎納嘎拔哈喇鍬雜尊者

募盧楞伽原
本第一頁

偃偻曲錄扶杖坐床是蜀地竹是法王幢波斯獻寶長
跪乎前曰舍曰受僉在汝邊

第九拔嘎沽拉尊者

無始以來具此衣縷既有其形破則須補奚奴啖火石
猴擎拳異類同行法爾如然

第十喇乎拉尊者

忍痛為易忍癢為難養和自爬不禁粲然侍者擔經重
若弗勝謂且放下可識三乘

第十一租查巴納答嘎尊者

募盧楞伽原
本第六頁

是婆羅門親受佛教於首楞嚴而悟其要七處徵心八
還辨見同阿難聞不殊一貫

第十二畢那楂拉拔唎鍛雜尊者

數去聲珠百八雙手數

上聲

之有誦無誦惟師自知有則為

色無則為空空色色空究竟何窮

第十三巴那塔嘎尊者

曰禪教律佛之三宗初學進步持律為崇是巴那塔嘎

那字

隨巴合音則為班音詳見同文韻統傳律居首而不執律如意在手

第十四納阿嚙塞納尊者

塔寓佛身擊之以手然則相好為無為有兩邊俱非中亦不立視此窳堵弗出弗入

第十五鍋巴嘎尊者

募盧楞伽原本第五頁

晏坐寶床漠然無為右持拂子左拖其絲侍者於前擊佛玉相是絲是拂非背非向

第十六阿必達尊者

磐石掌平結跏而坐軒如非如無不可不可番王長跪持鉢惟飲其從睨視若不槩心

第十七嘎沙鴉巴達喇瑪尊者

募盧楞伽原
本第四頁

於菟弭耳伏卧於前卓錫眡之如褐貓然爾忘爾猛吾忘吾慈設曰神通義非導師

第十八納荅密荅荅喇尊者

募盧楞伽原
本第三頁

十六十八數本無定詔之章嘉乃得明證

阿羅漢之號
十六十八傳

聞異辭向嘗詢之章嘉國師證以法住記及納達翁傳而以同文韻統合音字正其名定為十六應真增二則

世所謂降龍伏虎者一為嘎鷲巴嚩瑪伏虎尊者一為鷲峇窣剌降龍尊者以二尊者具大神通法力故亦得稱阿羅漢則為十八應真矣詳見
題唐貫休十八羅漢贊跋語中 楞伽貫休胥圖降龍

橫杖俯睇內空外空

西番古畫十八應真贊

第一阿迎機達尊者

於耆闍窟聞法最先聞者何法不落言詮右持寶鑑左執拂于鼻根香塵拂之而已

第二阿資答尊者

叉手宴坐異類圍繞有見無見默然了了善名如來空中影現曰一曰二日面月面

第三拔納拔西尊者

豎二指相空色合分毘婆尸佛說揭如聞聞則不無佛於何有侍者接經夜叉稽首

第四嘎禮嘎尊者

住僧伽洲而來鹿苑聞佛真諦得大安穩手持金鈴而弗作聲合掌傾耳學人共聽

第五拔禱囉逋荅荅喇尊者

曰色曰空可該萬法以拂拂之水乳泐洽俱那牟尼示
相印證一月十江光光相映

第六拔唵達喇尊者

鴉穆奈水尊者所住雙手當前一橫一豎豎窮三際橫
遍十方是無是有宴坐道場

第七嘎納嘎巴薩尊者

佛母現空護法立侍如如不知書經而已借問尊者所

書何經一字不有而括三乘

第八嘎納嘎拔哈喇鍛襍尊者

鍛襍尊者建立法幢弗降外道外道自降用何神通曰
無所用七百聲聞恒為侍從

第九拔嘎沽拉尊者

手擎善鼠吐珠若泉於護法中如財寶天一即非一二
亦弗二有佛印之即彌勒世

第十喇乎拉尊者

本來佛子從佛聞道可道非道聞豈易曉示少年像持
七寶冠一千一百聲聞繞環

第十一租查巴納荅嘎尊者

金剛趺坐法爾堂堂光風霽月語默兩忘於鷲峰山聞
楞嚴義辨見徵心似乎餘事

第十二畢那楂拉拔唎鍛禰尊者

鉢以貯食經以示法法若可食是謂一合聲聞一千侍
者何往乃有二鬼獻花供養

第十三 巴那塔嘎尊者

學人求示示以三指曰禪教律一而已耳從漸入頓則律為先度世無量三十三天

第十四 納阿噶塞納尊者

無著天親惟弟與兄授法龍部畢得其精一千二百聲聞普度住廣脇山而無來去

第十五 鍋巴嘎尊者

大士所住曰必呼拉退藏於密密亦弗納龍女獻珠香

象擎蓮拈絲弗顧法爾如然

第十六阿必達尊者

梵阿必達華阿彌陀於尊者頂佛灌而摩雙手擎塔法
華所開曰見像否活物死灰

第十七納納荅密荅荅喇尊者

應真變相原無定蹤嗒然忘我奚必降龍童子圍繞色
聲香味一一是法共爾遊戲

第十八嘎沙鴉巴達喇瑪尊者

負經於背，餅拂在手，云何震旦面壁九年，牛哀跪伏，撫如花狸，何不可度稽首大慈。

按梵經納納達荅喇傳及漢經法住記所載應真止有十六而無十八之號，後詔之章嘉國師云：西域本止十六，益以降龍伏虎二尊者，遂為十八。即震旦所謂達摩彌勒是也。向嘗考之同文韻統，以阿哩噶哩字書應真法號，定第十七嘎蘊巴達喇瑪為伏虎尊者，即達摩第十八納納荅密荅荅喇為降龍尊者，即彌勒自丙子。

以來所作應真各贊或題幀軸或鐫玉石無不以是書之今製西番古畫十八應真贊疑有訛舛因諦觀圖中結相供具並證以番經漢經乃知以十七為降龍即彌勒十八為伏虎即達摩而阿哩噶哩字名號之切音漢字亦有不合為之詳晰訂正即依新定字書於幀端並將丙子以後所作各贊於黃綾文本及御製文初二集刊本一律改正焉至秘殿珠林所儲古人圖像原本與夫西湖所摹以及玉石所鐫刻臣

工所繕錄不下數百十本難以一一易書則命仍舊
貫而無事改泐嗣今有作胥當依此書之並附識如
右

御製文三集卷十五

欽定四庫全書

御製文三集卷十六

贊

平定臺灣二十功臣像贊

有序

近著勦滅臺灣逆賊生擒林爽文紀事語以為伊
犁回部金川三大事各有專文王倫蘇四十三田
五次三事不足薙其功若茲林爽文之勦滅介於
六者間雖弗稱大事而亦不為小矣故其次三訖

未紀勲圖像而茲福康安海蘭察等渡海搜山竟成偉勲靖海疆吁亦勞矣不可湮其功而弗識故於紫光閣紀勲圖像一如向三大事之為然究以一區海濱數月底績故減其百者為五十而朕親製贊五十者為二十餘命文臣擬撰一如上次之式夫用兵豈易事哉昔漢光武有云每一發兵頭鬚為白況予古稀望八之年鬚鬢早半白而拓土開疆過光武遠甚更有何冀而為佳兵之舉誠以

海疆民命不得不發師安靖所為乃應兵非佳兵也然亦因應兵非佳兵幸邀

天助順而成功速此予所以感謝

鴻臚不可以言語形容而又不能已於言者也昔人有言滿洲兵至萬橫行天下無敵今朕所發巴圖魯侍衛章京等纔百人已足以當數千人之勇綠營兵雖多怯而無用茲精選屯練及貴州廣東湖廣兵得近萬人統而用之遂以掃巢穴縛逆首是綠

營果無用哉亦在率而行之者為之埋根倡首有以鼓勵之耳若福康安未渡海以前臺灣綠營已共有四萬餘兵何以不能成功則以無率而行之者豈不然哉且臺灣一歲三收蔗薯更富朕若微有量田加賦之意以致民變

天必罪之不能如是成功速也後世子孫當知此意毋信浮論富國之言愛民薄斂明慎用兵庶其恒承天眷耳近日以宮商三百逐章饜飫其義竟如幼年書

室學詩之時然彼時但知讀其章句而今則究其
義味因思采薇出車諸章乃上之勞下其義正斯
為正雅祈父北山諸什乃下之怨上其義變斯為
變雅夫上勞下可也下怨上不可也何則下之怨
上固在下者不知忠義然亦必在上者有以致之
斯則大不可也我滿洲舊風以不得捐軀國事死
於牖下為恥其抱忠知義較祈父北山之怨上為
何如是則綠營之多懼怯思家伊古有之無足多

怪矣然為上者不可不存采薇出車之意更不可不知祈父北山之苦如其一概不知而但欲開疆擴土是誠佳兵黷武之為望其有成豈非北轅而適越乎故因為功臣圖贊而申其說如此以戒奕葉子孫並戒萬世之用兵者

大學士一等誠謀英勇公阿桂

勘外守中未恒亮功馳咨軍務志每予同歸朝襄贊翦
逆除兇三登紫閣福厚功崇

去歲在山莊籌辦臺灣軍務其時阿桂留京辦事七

月間又命往河工會辦堵築事宜是此次軍務阿桂並未辦理惟間有指示方略諭令閱看覆奏每多意見相同及後報捷之時阿桂甫得差竣回京是以一體予以議叙且以班次在前故列為功臣之首云

大學士三等忠襄伯和珅

承訓書諭兼通清漢旁午軍書惟明且斷平薩拉爾亦曾督戰賜爵勵忠竟成國幹

大學士王杰

典學七閩肅正士風臺灣民俗頗悉心中山海險夷叅畫具通有佐樽俎圖貌紀功

協辦大學士吏部尚書陝甘總督一等嘉勇公
福康安

金川領兵已著偉名幾處封疆吏肅政成解圍擒逆能
人不能崇封殊錫嘉爾忠誠

領侍衛內大臣二等超勇公海蘭察

勇弗知書謀勝智士匹馬彎弓賊不敢視欲致活口射
勿令死進爵錫服言難盡美

工部尚書福長安

父兄及已胥國勲親英年習政其心孔純承旨參議有見敬申忠良之報並得圖麟

戶部尚書董誥

舊例軍務多用清文茲或用漢綠營海濱治以馬上亦頗效勤堪同福將閣表書勲

閩浙總督李侍堯

以恒入覲命往閩疆戰固老矣謀猷允長渡兵濟餉井井有方不悞軍儲其績孔臧

兩廣總督一等輕車都尉孫士毅

粵閩接境唇齒相依資鄰守已均合時機向任部員曾
隨出師文武幹才超錫允宜

福建巡撫徐嗣曾

宣撫之任守土安民一應軍務責成督臣佐之贊之竭
慮摠勤渡海籌疆亦可稱勲

成都將軍法式尚阿巴圖魯雲騎尉鄂輝

無前出力屯練之兵將軍鄂輝實率以行覆穴摧壘到

處功成勇而有謀草國之英

護軍統領穆騰額巴圖魯雲騎尉舒亮

金川之役已為領隊事定功成統軍歸內搜捕逸賊不遺醜輩生致逆渠其能弗昧

護軍統領沙爾瑪海巴圖魯三等奮勇男普爾

普

隨父入都甫十餘歲既長上聲能勇曉兵有制同救諸羅

通路府際先登拔柵圖容兩逮

福建水師提督健勇巴圖魯蔡攀龍

臺灣戰將巨擘惟茲向嘉大紀乃被所欺

上年因紮大紀在諸羅被

圍日久曾諭令酌量如實不能支不妨保護義民全師
而出另圖進取而紮大紀覆奏不忍將數萬生靈委之
賊手仍督率兵民忍飢固守以待援應覽奏為之墮淚
是以特沛殊恩封伊伯爵並賞銀一萬兩以示優眷嗣
據福康安奏其為人狡詐予猶不忍以空言遞加之罪
其後德成自浙江差竣復命細詢之遂將伊居官聲名
狼藉之處逐一面陳因命福康安李侍堯琅玕各據實
查奏則其貪劣釀成逆案種種竟有確據且當賊匪起
事之初紮大紀正值巡察彰化不即帶兵勦捕轉託稱
派兵回郡及聞彰化失陷仍復觀望不前遲至數日始
行以致逆匪蔓延其罪尤不可逭因即令革職鞫其
水師提督員缺即以蔡攀龍調補蓋前此未有人摘發

其私予焉肯為逆詐億不信之見迨既經敗露則不得
不明其賞罰以示勸懲是牝大紀之前後功罪予惟協
於至公更無所容心於其間也
賞罰各當弗濫弗遺惟明克允奉三無

私

福建陸路提督奮勇巴圖魯梁朝柱

金川勦逆埋根進首鹽水恒瑞未免掣肘及防蔴豆禦
賊堅守受創力戰嘉哉鮮偶

浙江提督堅勇巴圖魯許世亨

黔省之兵素稱勇敢率以赴軍半天衝險嬰之者斷當

之者斬不愧丈夫一身是膽

四川松潘鎮總兵奮圖禮巴圖魯穆克登阿
斗六里杙排竹為城直砍而入大敗賊兵隴種鹿埕內
山遁形搜擒首惡林林衆英

四川建昌鎮總兵扎敦巴巴圖魯張芝元

金川隨征超熊羅旅茲領番兵以通番語賊屬生縛賊
路嚴禦卒獲生俘厥功允巨

臺灣鎮總兵沖傑巴圖魯普吉保

攻克笨港本有微功未解諸羅賊衆難通賈勇贖過奮
不顧躬扼科仔坑逸賊路窮

散秩大臣贊巴巴圖魯四川土副將穆塔爾

金川降番功難屈指茲領軍隊有進無止衆志成城妖
氛淨洗晉秩中朝同仁一視

呢瑪寧波噶布拉贊

呢瑪謂番語寧波謂心噶布拉謂頂骨捨身為清淨供養博密

博地名密謂人其山即以此
得名在察木多碩板多之間
山洞忽出現二千餘歲傳

至今五德七寶重莊嚴

據駐藏大臣和琳奏稱查沙瑪爾巴陽八井廟內有呢瑪寧波

噶布拉因送京遂命達賴喇嘛查其根源達賴喇嘛奏言釋迦牟尼佛涅槃後千餘年嘉噶爾地方出一泥瑪寧波呼必勒罕至第七世後一有道行僧名博桑巴者獲其噶布拉藏於博密山洞五輩達賴喇嘛時又一有道行僧名多爾濟者夢中見一神女告其處依所言尋獲之後沙瑪爾巴之呼必勒罕多從博密地方轉世將此噶布拉世世供奉至今已二千餘年色澤古潤洵屬有道舍利實為罕見 供養不作供養觀色見聲求一切非是謂如來之本智

古噶布拉供椀贊

我聞在昔佛月光明以頭施檀普度衆生左旃檀塗右

利刀割於此二人不分別撥五印三歲古德多有用是
義例自施其首十方十色一以化之同凡悲仰共聖慈
悲是真供養無供養者作贊饒舌波羅般若

西番古德噶布拉

注見前供養器也

贊

西番古德閱百餘世凡身既棄聖跡仍示曰阿

番文本

曰

吽

番文本

隱現二字

西藏吉隆呼圖克圖所進古德噶布拉一具隱隱有文現出如阿吽

二字非人工所作惟深得秘密正道者方能有是異蹟

阿寂靜源吽安樂義有為

無為色空非二作是供養允第一諦

平定廓爾喀十五功臣圖贊 有序

廓爾喀畏威乞降歸順武成平定功臣効力宜有
圖贊例應論爵以軍機大臣為首而大學士阿桂
以此番絕域歷險實異常之勞當以大將軍福康
安為首因嘉許之為之序曰

武成圖功逮此凡四

紫光閣圖功臣像各為之贊
自平定西域兩金川臺灣逮

此凡四次夫用兵豈易言哉必出於不得已而不出於

貪得恃強審時應機既明且斷信賞必罰仍總賴

天既助順捨斯數者未有不見其敗而資窮蹙之譏者
也伊犂回部金川既受俘歲事余已不復萌用武
之心無何而臺灣叛福康安等渡海勦賊不久生
擒賊首故此戰圖仍依例以阿桂為首今之廓爾
喀又在西藏數千里外絕壁衝天急湍臨峽捨馬
單步非福康安海蘭察二人同心鼓舞身先士卒
斷不能成此七戰七勝之功首圖其像允合予心
而符衆望也西師金川功臣各百予親為贊者各

五十餘命儒臣為贊各五十以成百數臺灣功臣
予親贊者二十餘命儒臣為贊者三十以成五十
數今平定廓爾喀之功臣予親贊者十五餘命儒
臣為贊者十五以成三十數蓋以西師及金川歷
年久而擴地廣故人數多臺灣成功速而地非廣
故人數次之若廓爾喀則又速於臺灣地雖險而
實弗廣也故予親為贊者不過十五儒臣為贊者
亦祇十五然以總數較仍勝凌煙雲臺之所表也

此實

吳蒼護佑國家

祖宗教養所貽賢材接踵為邦家光予藐躬欽承惟謹
盛滿是懼且歸政年近老而畏事遑敢復有他圖
哉

大學士一等忠銳嘉勇公兩廣總督福康安

百戰久經兩功近成近之險絕前聞未曾七戰七勝度

索乘桴舊勳新讓

此番聲討廓爾喀福康安身先將士
履險臨深無戰不捷大功克蕪其忠

貞實邁等倫若以爵論阿桂本應居首而阿桂自以此次未臨行陣奏讓福康安為首功實為公允可嘉遂俞其嘉許首圖

大學士一等誠謀英勇公阿桂

七旬以上身體康強從不言功黃閣贊襄威克安久此

用師必大彰國威而後允降庶幾可以久安不致再生事端唐太宗所謂示之必克其和乃固正合朕意福康安固能仰體此意力嚴殊勲而阿桂原有協謀之功亦不可掩曾亦協謀豈一个臣有

容休休

大學士三等忠襄伯和珅

國家用武帷幄絲綸事殊四朝

謂漢唐宋明

清文漢文蒙古

西番頗通大意

去歲用兵之際所有指示機宜每無用清漢文此外頗給達賴喇嘛及傳諭廓

爾喀勅書並兼用蒙古西番字臣工中通曉西番字者殊難其人惟和坤承旨書諭俱能辦理秩如勤勞

書旨允稱能事

大學士王杰

司學閩疆臺灣事曉海洋進退頗亦了了短詩長記畫

夜騰章

每軍營奏報捷章皆有詩文誌事隨時騰寫至西歲番地情形實未能知悉也無暇贊

策人各用長

大學士孫士毅

安南之役體國還軍

安南之役初以黎氏臣服年久不忍坐視惟是天厭黎德朕已

先見及此使孫士毅既為復國之後果即遵旨班師何至後此有傷我官軍之事然孫士毅身為帥臣彼時設

亦如武臣等捐軀効命則所繫國家威重匪小幸而全師以出寧歸闕請罪是尚知以國為重者也削功

寬罪

孫士毅克復黎城朕原賞以公爵迨失事之後彼亦自知罪無可逭朕削其功而寬其罪懲獎悉本

至公蓋亦嘉憫能臣之意也

懲獎能臣征廓爾喀命理軍儲盡其心

力亦堪入圖

原任領侍衛內大臣一等超勇公海蘭察

勇而有謀侍衛游公

乙亥征計準噶爾時海蘭察方以索倫馬兵從軍先是輝特台吉巴

雅爾率屬來降已封為汗及阿睦爾撒納復叛後巴雅爾旋亦從逆以大兵追急遁入塔爾巴哈台山中海蘭察奮力窮追射之墜馬遂生擒以歸以此立擢為侍衛嗣後每派出兵無不奮勉爭先而料敵策應宛若素嫻韜略者然屢以戰功游封公爵此次為叅贊功成後晉封一等超勇公實為索倫之傑出者矣

索倫巨

擘黼衣錫龍圖形四番福祿鮮比旋終於家矜惜無已

戶部尚書福長安

戚畹閭門家國一體兄勤遠征弟贊近理鴻邱之隅樽

俎之間無不同心弗稱已

已上聲人關與軍機大臣等壽

畫機宜福長安盡心襄贊悉合予意
伊本以國事為重詎稱關已而已哉

戶部尚書董誥

儒雅摺紳本不識兵樞機久叅習以盡誠地官掌賦

中軍

儲糈皆從內地撥往及凱旋後
銷算事宜一切皆戶部掌之

度支是司軍儲萬里調

撥合宜

兵部尚書慶桂

所謂故國賴有世臣量

去聲

材授職非卑踰尊

用孟
子語

本兵

習政

明代最重本兵之職凡遇軍興悉以委之自中葉
以後其君不親政事又無知人之明而肩斯任者

率多庸懦腐儒動皆掣肘更恣芑苴此其國事寧復可
問近作凱旋兵丁各歸營伍紀事文曾指其失以昭懲
戒至我朝用兵惟任將軍參贊相機攻取是以所向無
敵而兵部所司不過設驛安頓送往迎回諸事而已

元長

聲之子

慶桂為尹繼善字元長

跨竈是乎

從前西域用兵惟傅恒與

予一心主必辨之說其時尹繼善為陝甘總督頗不欲
用兵此亦習於書生拘守之常談不足以識事機彼時
並慮辦理軍務非其所長因令黃廷桂調任陝甘專司
其事是以西師藏功伊雖為世臣未得列入戰圖今慶
桂以軍機大臣邀恩得
此榮遇轉覺跨竈矣

圖形始爾

工部尚書和琳

二庸駐藏諸務推諉

倖習渾雅滿泰二人同為駐藏大臣乃平時於廓爾喀之事置若罔

聞藏中一切委之噶布倫等任其妄為迨廓爾喀侵擾
藏地又不能帶兵征勦轉欲將達賴喇嘛班禪額爾德
尼移至內地竟甘心棄置藏地不知是何肺腸因選良
令將伊二人於藏地枷責以為推諉國事者之戒

代之條條有理和珅之弟責難觀成和珅先為御史屢
命巡漕於河道漕
運頗能認真挑濟督催因悉其才具優長並知為和珅
之弟去歲令往代俘習渾等為駐藏大臣沿途據奏催
備烏拉立定期限嚴申賞罰軍裝火藥源源運送不致
遲誤及到藏後辦理糧餉事宜整頓藏中諸務一切井
井有條初不料其竟能副朕委任而國家得一良材尤堪慰悅
喜得世臣為國之楨

四川總督惠齡

和琳督糧至藏之西

濟隴以內糧運烏拉專任和琳往
來督催可以無誤然亦僅至藏之

西界其大兵所到地師進賊境繼運留資初命忠齡為四川總督即

方之後路亦難兼顧令同至軍營授為叅贊大臣既念大兵深入賊境師行糧隨最關緊要而忠齡於調度既不能如福康安戰陳亦更不如海蘭察用其所長莫若竟以後路糧運專責其成其在拉子地方設法起運糧石軍械及催覓商民長運諸務悉為周妥並不貪得戰功布冀懋賞此意亦為可嘉

亦懋哉初被圖形

原任都統銜護軍統領喇布凱巴圖魯台斐英

阿

首攻擦木繼克濟隴身先士卒奮勇成功遂至帕朗逼

甲爾古

台斐英阿自擦木進兵以後無不身先士卒往來截殺最為奮勇及攻東覺山梁尚用礮轟斃

紅衣綠衣賊目其後進攻甲爾古拉復直前射斃紅衣賊目不意中鎗殞軀深堪痛惜

直進殞身

痛惜心楚

護軍統領和隆武巴圖魯額勒登保

石碣木柵鱗疊賊防勢如捲箴捷似頽牆將軍所示無

不領略

額勒登保時為翼長司軍前各隊營務及調遣諸事故能領略將軍意指此番前後七戰率領

精兵攻碣奪柵所至無不克捷

率領精兵埋根卓鑠

原任副都統扎努巴圖魯阿滿泰

遇有絕險莫弗身先詎惟力勇實以心堅攻堆補木奪

橋命殞馬革未能

官軍攻奪濟龍官寨及搶奪熱索橋由我綠大山繞至上游紫筏渡河又

攻克協布魯賊寨阿滿泰無不身先鼓勇痛殲賊眾忠悃實屬起羣乃至攻噶勒拉堆補木過河時見賊匪將徹橋板直前搶奪兵丁乘勢競進而伊適以在前中鎗落河水深溜急當爭先進擊之際不及撈覓並不得裹馬革以歸益堪憫惻更切哀憫

副都統銜駐劄西藏協辦事務大臣賽尚阿巴

圖魯成德

曾爭巴忠

前次廓爾喀侵擾藏邊巴忠授意噶布倫丹津班珠爾許銀贖地成德未嘗不知然聞彼

時曾力誅其非而巴忠恃在御前行走
尚有雄心克聶

諸事擅專雖爭之不得而心膽尚壯
尚有雄心克聶

拉木 賊人佔據聶拉木官寨成德與穆克登阿由西北進
夜前進距寨里許穆克登阿由西南伊由西北進

攻拋入火彈燒斃賊匪甚眾其逃出者復被官兵殲戮
二百餘名寨中尚屯聚賊匪令我兵四面圍困無一漏

網者頗 亦見韜襟重進勦賊別分一路
既而大兵由色

賊境福康安分派成德由哈那衮木山一路進攻既同
阿尼雅布等將扎木攻克又聞前途有鐵索橋即潛行

樹林內奪據大河東岸賊卡乘夜奪橋並將西岸賊卡
攻克沿途殺獲甚眾復由江各波邁山梁直趨隴岡與

彥吉保會合兩面夾擊佔住隴岡所有賊卡
悉被焚燬此次成德分路攻勦功亦可錄 頗有所克

圖形表故

右旋白螺贊

螺多左轉希有右旋孰謂生海而能從天

天右旋日月左旋其向西

行則以天行速而日月行遲天帶之而行似右旋耳古人以蠟退行磨上為喻甚精螺為海中一微物而或有


右旋者涉海者攜帶於舟則吉祥安穩最為靈異所以梵帙標奇著編西番歲大遊戲

經載釋迦牟尼佛初入母胎時淨飯王家示現一切勝福吉祥所有金銀如意寶珠琉璃瓊瓓珊瑚一切寶篋

以及增壽右旋白螺篋自然開放丹書呈瑞每年歲中喇嘛於新

正及萬壽節進丹書所陳供器時有弗恒遇馬寓聲於獻右旋法螺者以為奇寶而不多見

寂三乘提全吹則有聲置則寂然聲為有寂為無有無一合而於螺之空體現之實寓三乘法也



御製文三集卷十六

欽惟

太上皇帝天亶聰明生知濬哲本諸崇深之

典學發為

天地之大文富有日新高厚悠久麗義娥而共辰樞

建極敷言以是彝是訓者琳笈卷充珠囊算

積固已顯懿朗融久矣迺

傳寶之三年

申命臣等恭編

御製文三集蓋自

御極之丙辰至癸未凡二十八年計文五百七篇為
初集自甲申至乙巳凡二十二年計文四百十一篇
為

二集茲

三集之成又得文一百九十四篇則自丙午至乙卯

十年之

作也此十年中

天苞

地符嶽輸川效以丕應元會運世之昌期光昭漸被變
諧之盛軌實大衍成數之後洎撓紀

週甲之辰

八徵耄念五位十成易之賁曰觀乎人文以化成天
下其恒曰聖人久于其道而天下化成慶逢

聖壽益高

聖治益溥

聖功益巍

聖文益煥蘊之則居安資深而逢原發之則根茂膏

沃而

言藹斯更進於

初二集者則有稱

八句之觴鐫十全之

寶闡四得之

論是為

壽身壽世之文再蠲賦繆普免漕棗下

詔弛逋

臨雍廣額是為

惠民惠士之文勒臺嶠之石摩廓喀之崖安南歸降

之圖緬甸効順之蹟是為

耆功柔遠之文

開國方略之序辟雍石經之編全藏譯經之弁言石鼓

排章之音訓是為

念

祖述聖之文而其中介懽暇筓以億萬世莫與京之事
為億萬世始一見之文者立

儲之

詔慎建之

論繹孟氏與子之義行禹謨執中之傳定時憲紀號
之規却期頤

歸政之請禕鑠哉

聖父

聖子際盛唐虞遠賢堯舜溯

初集不立

訓諭二門

二集有

諭而無

訓而諸篇獨登

三集者誠以其典綦重綦崇而其慶邳隆邳遠也臣

等授簡編輯祇奉

聖誨以文有運會辭尚體要自乙卯以前為

天子之文丙辰以後為

太上皇帝之文分年為限則例立而理益彰

文之三集與

詩之五集同義臣等跽聆心悅竊惟堯有典而堯之

言多入舜典舜有典而舜之言多入禹謨上

日受終元日受命不在放勳重華之紀蓋言

無窮而義各有當也方今

聖齡望九葆神純固析理粹精

訓政之餘又已積成卷軸

天行健而不息日月得照而長新惟鼓舞忭祝於後

之

成集其數更未有艾云爾

臣

沈初

臣

彭元瑞

臣

金士

松臣周興岱

臣

那彥成

臣

吳省蘭

臣

阮元拜

手稽首恭跋

